

67

- PIANTU DE UNU PECCADORE -

AHI CANTU 'E TE DEO SO INDIGNU,
O GESUS SANTU,
O MEU REDENTORE !

INVECE TUE SES TANTU BENIGNU
CHI PRO ME HAS PIANTU
E PRO ME HAS SUFFRIDU OGNI DOLORE .

E SES MORTU PRO ME ,
DIVINISSIMU RE,
DEUS ETERNU E MEU CRIADORE .

E SES MORTU IN SA RUGHE
PRO DARE VIDA E LUGHE
A MIE , ISCELLERADU PECCADORE .

CANTU BENE MI-HAS FATTU
E DEO, CORO INGRATTU,
NEGO A TIE GLORIA E ONORE !

PERDONAMI, O Signore !
E NO M'ABBANDHONARE ;
CA SO DEBILE, VILE E TRAIKORE
DE ME NON TI FIDARE !

DAMI FIDE E AMORE
PRO TI AMARE
CUN ZELU, CARIDADE E CUN FERVORE .

O MEU SALVADORE !
PIEPADE
IMPLORO DA-E TE CUN UMILTADE .

PIEPADE! PIEPADE! PIEPADE !

MAGIUSA (pseudonimu)

- OFFERTA MATTUTINA -

AZZETTA, BABBU SANTU DE AMORE -
DEUS ETERNU, BONU, ONNIPOTENTE -
SU TRIBAGLIU CHI FATTO IN CUSTA DIE.

PATIMENTOS, FADIGAS E SUORE,
AFFANNOS DE SU CORO E DE SA MENTE
INTENDHO UMILMENTE OFFRIRE A T I E .

E SI PROMMISSU MI HAS CALCHI DOLORE,
SIAT PURU ACUTU E OPPRIMENTE,
FAGHE CHI LU SUPPORTE RIE RIE.

E SIAT TOTTU PRO T E ONORE E GLORIA,
E PRO ME PENITENZA MERITORIA.

MAGIUSA (pseudonimu)

- UNA NOTTE IN PRESONIA -

UNA NOTTE IN PRESONIA,
SENDH'IN SU SONNU AFFANNOSU,
CHE UN ASTRU RADIOSU
SES'APPARSA, O PRENDHA MIA !

E CUN ACCENTU AMOROSU
CUSTAS COSAS M' HASA NADU ;

TORRADA -

"" VIVE SERENU E GIUCUNDHU,
AMADU MEU FIORE !
FORSIS FINID'ES SU MUNDHU ?
FORSIS FINID'ES S'AMORE ?
PESA CHI OGNI DOLORE
SEMPR'IN SA VIDA ES PASSADU ;

TANTU SES TRISTU E DOLENTE
CHI NO T'IMPORTAT MORIRE ?!
SUPPORTA CUSTU PRESENTE
CUNTEMPLENDHE S'AVVENIRE;
NON TORRAD' A FIORIRE
FORSIS SU CAMPU ALLIZADU ?!

PENS'A SOS TANTOS DILETTOS
CH'A TIE SUN RISERVADOS;
PENS'A SOS DULZES AFFETTOS
CH'IN LOGU TOU HAS LASSADOS ;
PENS' A SOS TEMPOS PASSADOS ;
PENSA CANTU T'HAPU AMADU ...

T'HAPU AMADU TANTU E TANTU
E FEDELMENTE TI AMO;
IN SAS ORAS DE PIANTU
A BOGHE ALTA TI GIAMO,
DEO PURU TANTU BRAMO
S'AMORE CHI M'ES MANCADU !

ALLONTANDA DA' SA MENTE
SA GRAVE MALINCONIA,
E DROMMI FELICEMENTE,
ANIMA 'E S'ANIMA MIA;
PENSENDHE CUN ALLEGRIA
CHI T'ISETTO, O CORO AMADU. ""

E CUN ACCENTU AMOROSU
CUSTAS COSAS M'HASA NADU.

MAGIUSA (pseudonimu)